

中華郵政總局特准掛號認爲新聞紙類

中華民國七年四月三十日出版

# 京兆公報

第三十九期 星期二

京兆公報處啓 本報自一月分起凡公署  
 每日所挂呈批均已全數登載報端如有  
 查閱批詞者請即赴本處購查可也

本報招登廣告價目表

(刊資先繳長期另議)

地 位 日 期	一	每	期
	頁八	元	
半	頁五	元	
	頁三	元	
四 分 之 一	頁一	元	
	頁三	元	

注 意

如郵匯不通之處可用郵票代價(以  
 三分之郵票爲限)惟郵票以九折計  
 算

# 京兆公報第二十九期目錄

命令

大總統令

公牘

本公署公牘

函復永清縣初選監督解釋選舉法疑義文(附原函)

訓令 豐台等處檢察分所奉內務部令抄錄德僑白蘭地斯將上海德華銀行支票押款一案辦理情形轉行  
二十縣知事

遵照文 (附抄件)

訓令大興宛平房山涿縣通縣三河薊縣香河武清安次永清固安霸縣平谷順義密雲懷柔昌平等十九縣

知事迅將經濟調查報告書造送文

訓令二十縣知事准陸軍部咨鄒凌瀚有附亂嫌疑請飭緝歸案訊辦令仰遵照文

指令昌平縣知事呈報籌辦夜班簡易識字學校並送簡章文 (附原呈)

目錄

指令良鄉縣知事呈爲請示帶征所可否以地方會計經理處人員兼充並附支配清單文

指令安次縣知事呈請將商鋪捐及屠宰附加稅追加六年度預算文

指令順義縣知事呈擬抽收屠宰附加稅專充鄉區警佐薪公與騎巡餉需服裝經費各辦法並請將收支各數准予追加六年度預算文

指令安次縣知事呈爲請獎解氏族立國民學校經理員解錫田以昭激勸文

批霸縣人朱巡等呈爲瀝陳困苦請准留佃文

批房山縣僧人靜修悟修等呈爲違法處分損害僧產懇恩停止執行文

批安次縣人周裕溫等呈請准補董連秀爲樹藝名譽職員文

批京師蠶桑傳習所畢業生劉長慶等呈請飭縣速興蠶桑學校文

批京兆公民尙廷弼等呈爲提倡貧民女工請撥賑款以維生計文

批良鄉十八村紳董游從讓等呈爲汛員採辦工料措價不發請澈究文

批寶坻縣人張迪等呈請撤銷原判提案另行裁決文

批昌平縣人莽品一等呈懇恤民安業保護命產解除蠱弊文

批臧福田等呈請組織商會以興商業文

批張雙合呈請飭縣派身接充斗行文

批昌平縣代表陳會雲等呈爲昌平第六區董李芳函捏稟不詳煽惑訟累文

批密雲縣人王振清呈爲知事違法行訊鎖押無辜文

批寶坻縣人張貴年呈爲巡官擅不解職到案對質請提究文

批武清縣公民代表李得祿等呈爲村事無人負責懇請令催本縣速行選舉村長佐文

批吳叔明呈爲再陳究辦首事勾結土棍私開窯洞請飭封禁文

批順義縣行商李向榮等呈爲知事徇情違章營私等情文

批順義縣人徐先本呈爲僧胞弟官會被宣涵賄匪搶掠並鎗傷身死文

批三河縣人李森等呈爲捏報滋鬧學校誣良爲匪文

批朱錫增等呈爲開立集市興商便民請恩准文

批三河縣人劉永泉呈爲侵佔官道妨害公安請查辦文

批劉開順等准熊督辦咨復該民人等呈請移民墾荒各情批示知照文

批霸縣人朱巡等呈爲官產分處拍賣地畝懇予速結文

批三河縣人田春暉呈訴劉興周毆警強搶請查拿訊辦文

京兆警備隊總司令處公牘

京兆警備隊總司令處判決盜犯趙顯臣強盜罪應處死刑執行鎗斃並褫奪公權全部終身文

京兆警備隊總司令處宣布盜犯趙顯臣罪狀文

目錄

四

京兆警備隊總司令處判決盜犯朱鳳岐等強盜罪應處死刑執行鎗斃並褫奪公權全部終身文

京兆警備隊總司令處宣布盜犯朱鳳岐等罪狀文

京兆警備隊總司令處宣布盜犯武緒成罪狀文

京兆財政廳公牘

京兆財政廳訓令二十縣知事迅將所領內國公債票分給購戶並發還應付利息文

報告

觀察通縣學務報告書 (續第三十八期)

附錄

選錄山居瑣言

● 命 令 ●

大總統令 四月十五日

茲修正陸軍刑事條例公布之此令

大總統令 四月十五日

茲修正陸軍審判條例公布之此令

大總統令 四月十七日

任命張榮楨爲湖南政務廳廳長此令

大總統令 四月十七日

任命王丙坤爲湖南湘江道道尹此令

大總統令 四月十八日

署湖南高等審判廳長殷汝熊已另有差委應即開去署缺此令

大總統令 四月十八日

任命高种署湖南高等審判廳長王淮琛署湖南高等檢察廳檢察長此令

命令

命令

大總統令 四月十九日

任命劉之龍署理湖南警務處處長此令



● 公 牘 ●

◎ 本公署公牘 ◎

函覆永清縣初選監督解釋選舉法疑義文 四月十七日

逕覆者郵代文電具悉所詢各節臚答如下

一 選舉人係包括初選當選人而言被選舉即指被選舉為議員而言初選當選人亦在其內 初選選出之人為選舉人名冊所無者即屬無效但覆選當選人不以初選當選人為限 參攷衆選法第四條第六十六條及施行細則附表第六表內第六項戊款等條文參互印證即得要領

一 援用省會選舉法解釋一節係概括立言未能懸定即同為衆選法解釋新舊先後且不免變更如同以前清舉人原未分別文武現在文舉有敢而武舉不適用本月十二日已經局議決定文電聲明可見同一事項尚不一致是以未可概論

以上諸端相應函達查照此致

附原函

復選監督鈞鑒茲有疑義謹請解釋(一)參衆選舉法所謂選舉人者是否包括初選當選人而言所謂被選舉權者是否指被選舉為議員而言凡初選當選不在其內(二)關於省議會議員選舉之局覆解釋其

公牘

三

公牘

四

實質與參眾選舉相同者可否援用以上疑義仰懇迅賜解釋不遵永清縣初選監督李樹埏印文

訓令 豐台等處檢查分所 奉內務部令抄錄德僑白蘭地斯將上海德華銀行支票押款一  
二十縣知事

案辦理情形轉行遵照文 四月十六日

本年四月十三日奉內務部令開准財政部咨達德僑白蘭地斯將上海德華銀行支票押借銀洋一案辦理情形並附抄敵國人民請領月費辦法請一併通行查照等因到部除分行各省區外合即抄錄原件令行遵照等因附抄件到署奉此除分行外合亟抄錄附件令仰該 分所 即便遵照此令知事

附抄件

財政部原咨

財政部為咨行事准咨開准江西省長咨達居特德僑白蘭地斯將上海德華銀行支票押借銀洋等情並擬以後遇有此等情事各辦法請迅賜核復等因到部查德華銀行業令停止營業該行支票自未便准予押借款項各敵僑如確有窘迫實情應准查照救濟辦法酌核辦理商請查核見復等因並准江西省長咨同前函查德華銀行前經本部派員清理設立德華銀行總清理處並由該處商准外交部定有敵國人請領月費辦法對於敵國人民在中國各地德華銀行存有款項者如果因生活困難准其向該行所在地之外交特派員呈請支給生活必需之費由特派員會商該地德華銀行清理處查明該敵國人確有存款並

其生活情形分別核准按月給予數目即由該地清理處發給截至存款支清為止業由該總清理處遵辦在案該德僑白蘭地斯究竟在上海德華銀行有無存款未據聲明如在上海德華銀行有存款項即應令向上海外交特派員呈請酌辦倘並未存有存款項則按照貴部所定救濟辦法辦理至前項支票既已向中國銀行押借付給應令中國銀行迅與上海德華銀行接洽嗣後如遇有上情項事應即查照前項辦法分別辦理除咨復江西省長外相應照錄敵國人民請領月費辦法一份咨請貴部查照並請將辦理此案情形暨敵國人請領月費辦法一併通行各省查照可也此咨

存款敵國人請領月費辦法

(一)在德華銀行存有銀兩銀元款項之敵國人因無別項進款致難存活者得呈報交涉員請領日用必需之費

(二)交涉員接到前項呈請應通知清理處會同查明下列各款之情形

- 甲 該敵國人存款之數目利息
- 乙 該敵國人在中國他銀行有無別項存款
- 丙 該敵國人家族人口若干
- 丁 該敵國人貧富之情形
- 戊 該敵國人本日常生活之程度

(三)存款之敵國人請領日用必需之費每月不得過左列之數

公牘

甲 有妻者 三百元

乙 未婚者 二百元

丙 小兒每一人加五十元

以上各項自以德奧人民之在中國居住者或為俘虜在日本者為限

(四) 交涉員及清理處向請求提款之敵國人查明第二款所列各項情形酌擬准駁分別具報外交部及總清理處核定照辦

(五) 交涉員及清理處認為應給月費者應就所查情形並比較第三款所定限制酌擬按月給予數目一併具報備案核定照辦

(六) 經外交部總清理處核准領費之敵國人應由清理處查對賬單及簽字筆跡確係存戶方可給予

(七) 請領月費之敵國人即於其存款項下按月扣除以存款扣盡或該行並無現款可以支付時為止

(八) 敵國人所設立公司洋行之存款不得請領

(九) 敵國人慈善事業之存款由交涉員及清理處查明該款確為慈善事業之用分別具報外交部及總清理處核准支給

(十) 凡在留用期間內德行人員准具照常支薪其餘各行員仍按照第三條辦理

訓令大興宛平房山涿縣通縣三河薊縣香河武清安次永清固安霸縣平谷順義密雲

懷柔昌平等十九縣知事迅將經濟調查報告書造送文

四月十七日

案查本公署前發經濟調查細目令仰該縣切實調查造具精確報告書二份依限送署以憑核咨等因在案茲已一月有餘除良鄉一縣業經造送外其餘各縣均未遵限造送殊屬玩忽除分令外合行令仰查照本公署第三八七號訓令迅將應造前項報告書呈漏趕辦呈送來署以憑彙轉毋得再延致干未便切切此令

訓令二十縣知事准陸軍部咨鄒凌瀚有附亂嫌疑請飭緝歸案訊辦令仰遵照文

四月十七日

案准陸軍部咨開准松源護軍使解送黃雲扭控鄒凌瀚僕人霍玉發有附亂嫌疑一案並據黃雲供鄒已與莫榮新商定條例張勳方面許以舊部軍隊響應以助西南革命成功西南方面允俟革命事成後要求政府恢復張勳舊有權位等語查鄒凌瀚為張勳代表運動西南響應革命實屬有礙治安亟應查拿以杜勾結相應咨行查照轉飭所屬一體協緝獲案後逕行解部歸案訊辦等因准此合亟令仰該知事遵照飭警一體協緝務獲逕解陸軍部歸案訊辦毋違此令

指令昌平縣知事呈報籌辦夜班簡易識字學校並送簡章文

四月十一日

呈及簡章均悉所稱籌設公立夜班簡易識字學校並借給學生本金使作營業之資俾生計學業兩不相妨用意良善所擬簡章亦尚妥實應准備案仰即督促各員認真進行期收實效並候抄行各縣參酌仿辦此令

公牘

七

簡章存

附原呈

呈爲呈請事案據通俗講演所所長范質琛呈稱竊查前奉縣令飭將地方應行興革諸端各杼所見縷以詳陳以備採擇施行等因所長謹就管見所及爲我縣長縷以陳之查昌邑地方素稱苦瘠一般年少貧民每以謀生爲急不能及時入學若不速籌一簡易識字辦法匪特於普及教育本旨未能貫徹且此項失學貧民勢必歸於無業游氓之一途所長執察地方情形爰特商邀清查局辦事員張君承壽暨滙文大學畢業張家鉞講演員褚繼先等擬組織夜班簡易識字學校一所以便一般年長失學貧民得以入校肄業並先借給各生基本金二元以爲日間營生之資所有職教各員擬由張君及所長等四人擔任純盡義務不支薪水惟開辦費長年費並借給學生本金應請縣長籌備是否有當理合連同簡章呈請鑒核並祈轉呈立案等情前來查該所所長所陳貧戶子弟因急於謀生不能入學身受教育尙係寔情所擬籌辦夜班簡易識字學校一所專收因貧失學子弟肄業並各先借給基本金二元俾白晝得以資此營生夜間便可入校上課此項辦法似於學生生計學業尙可兼顧惟畢業期限定以半年雖於定章不相符合然爲窮黎生業計似不得不酌予變通縮短期限果其中有寔堪造就者應送入國民學校俾受完全教育亦係臨時權變辦法据呈前情理合備文連同簡章呈請鈞憲察核如蒙批准擬即開辦其所需經費即列入七年度預算案內由地方款項下動支是否可行統祈指令以便轉飭遵照實爲公便謹呈

昌平縣夜班簡易識字學校簡章

- 一 名稱 昌平縣公立夜班簡易識字學校
  - 二 校址 附設在講演所內
  - 三 學額 六十名不收學費
  - 四 資格 貧無生計年長失學之男子以無精神病者為合格報名時須取具妥保
  - 五 年齡 十二歲以上二十五歲以下
  - 六 職員 本校設校長一人兼任庶務教員三人均係純盡義務概不支薪
  - 七 年限 半年畢業
  - 八 升學 材堪造就者送入就近國民小學受完全之教育
  - 九 科目 擬仿照半日學校規程稍加變更總以畢業後能書賬及核算而便謀生為目的並將每週授課時數於左
- 修身四 算術六 識字六 習字二
- 十 假金 入學時每名借給銅元二百六十枚學生逐日歸還銅元二枚以一百三十日歸還為限以便夜間入學自書以此借款作為營業資本
  - 十一 經費 借給學生資本金一百二十元及常年經費燈油紙筆茶水夫役津貼每月八元並開辦費十元均擬由地方款項下支撥除以上各條外均適用部令關於國民學校之規定

公 續

十

指令良鄉縣知事呈爲請示帶征所可否以地方會計經理處人員兼充並附支配清單

文四月十三日

據呈已悉查地方會計經理處係根據呈准地方會計章程而設爲經理財政重要機關省議會更有恢復理財所之議決處所名異功用實同各縣均在積極進行是少具整理地方財政之心者俱應特別注重該處何得意存輕視地方預算業經成立三次所有款項均應以統收統支爲原則該縣各項地方收入支出自應按照預算勻配開支各區董等分當化除一隅成見通籌全局更不應各執一是隨糧帶征爲地方款項收入之一種列在地方收入預算會計經理處經費爲地方款項支出之一種列在地方支出預算即當遵照統收統支原則辦理指定該處經費由隨糧帶征項下開支既不成問題拒絕該處經費由帶征項下開支尤不成問題蓋於已成之預算但應問已有之收支相抵是否相符對於將成之預算但應問何者當興當廢何者當當減方爲正當辦法至此疆彼界入主出奴應是已往陳迹非今日所宜用現在於該處設置查賬員訂定規則頒行在案其訓令第二五八號令開大意對於地方處理財政辦法原思萃集各方面人員使之和衷共濟並考核地方財政將來審計實行則對於地方各項收支均可加以審查非獨僅查經理處賬而已前令所言設立帶征所者以查賬員尙未設置故暫做安次辦法以資稽核刻下查賬員既已成立當然由查賬中推舉專員執行此項職務毋庸另立機關徒事駢贅且地方財政本屬困難經理處經費尙慮無所從出安可再行增加開支所有該縣隨糧帶征征收手續應由縣署直接代征由查賬員擬定辦法實行稽核以期收入增加支出減少仰即遵照辦理並通令各區董等一體知照單暫存切切此令



**指令安次縣知事呈請將商鋪捐及屠宰附加稅追加六年度預算文** 四月十三日

據呈已悉所請將商鋪捐及屠宰附加稅兩項銀八百一十元追加六年度收入預算等情應予照准惟查該縣六年度地方預算歲入項下已列有商鋪捐洋三百三十九元六角此次追加收入三百六十元合計應為六百九十九元六角抑或將預算原列之商鋪捐款連同此次追加共祇為三百六十元實際上則追加僅二十元零四角未據聲叙殊嫌含混仰速明白聲復備案至各種收入應即如數撥交經理處照章經理按照預算所列支出分別動用勿庸於預算以外另立疆界再查契稅一成牙用業奉部令停撥並經改收契稅一成附加稅在案乃來呈內仍稱征收契稅牙用等字樣亦有未符應併查復更正此令

**指令順義縣知事呈擬抽收屠宰附加稅專充鄉區警佐薪公與騎巡餉需服裝經費各**

**辦法並將收支各數准予追加六年度預算文** 四月十三日

擬呈請征收屠宰附加稅每牛一頭附加稅大洋六角每豬一口附加稅大洋一角每羊一隻附加稅大洋六分等情事屬可行應准照辦並將收支各數准予追加六年度地方預算仰即將附加稅征收日期分別呈報本公署暨財政廳備案可也切切此令

**指令安次縣知事呈請獎解氏族立國民學校經理員解錫田以昭激勸文** 四月十三日

呈摺均悉該縣解氏族立初等小學校管理員解錫田自民國二年十月起前後共捐薪水一百餘圓熱心學務殊堪嘉尚核其所捐數目與修正捐資興學褒獎條例第二條第一項第一款規定相符應准獎給銀色三

公牘

十一

等褒章以昭激勸獎件隨發仰即轉飭祇領並將領到日期呈報備案此令摺存

批霸縣人朱巡等呈為瀝陳困苦請准留佃文 四月十一日

呈悉查霸縣刑操場地畝上年九月間因農作場停辦令行該縣清查官產分處按照時值估價依法標賣在案該佃等既稱於十日間交價洋三百元是在奉令標賣以後究竟該分處是否依法布告投標何以令該佃等交價之後又復中止進行原洋是否仍存分處何以又不發還均不可解現在前主任業已交卸仰候令知霸縣知事會同該分處主任查明因何中止情形先行具覆一面仍遵前令尅日依法標賣可也仰即知照此批

批房山縣僧人靜修悟修等呈為違法處分損害僧產懇恩停止執行文 四月十二日

據呈已悉仰候令催該縣迅予查辦具覆察奪此批

批安次縣周裕溫等呈請准補董連秀為樹藝名譽職員文 四月十二日

呈悉河工職員應由河防局遴員呈請接充所請不合定章應毋庸議此批

批京師蠶桑傳習所畢業生劉長慶等呈請飭縣速興蠶桑學校文 四月十二日

據呈已悉蠶桑之利富國大本亟宜因勢利導加意研求該生等志切蠶桑學期致用意趣誠屬可嘉本公署自籌辦自治早已注意及此各縣乙種實業學校迭令依限籌設蠶桑一科即括於農校之內應俟令催各縣體察情形認真提倡可也此批

**批京兆公民尙廷弼等呈爲提倡貧民女工請撥賑款以維生計文** 四月十三日

據呈已悉該紳等擬請撥賑款提倡貧民女工洵爲善策惟本公署募集賑款業已撥發各縣以工代賑補助民修堤埝款已無餘一俟續收捐款再行核奪飭遵仰即知照此批

**批良鄉十八村紳董游從讓等呈爲汎員採辦工料措價不發請澈究文** 四月十三日

據呈該汎員措發料價等情應由該紳董等呈請永定河防局核辦據陳各節姑候令行該局查核具覆核奪此批

**批寶坻縣人張迪等呈請撤銷原判提案另行裁決文** 四月十三日

呈圖及附件均悉河工爲地方公同利害理應力顧大體減少私爭此案原審尚屬審慎深望該村長等勸諭村民遵判完結免羈訟累所請提案另判之處應毋庸議此批

**批昌平縣人莽品一等呈懇恤民安業保護命產解除蠹弊文** 月十三日

據呈已悉查此案前經飭令宛平縣派員查明教養局並無昌平縣莽國興捐助地租匾額業於民國四年六月三日批飭昌平縣傳令該民等遵照新章增租升科在案該民等對於此項地畝既無祇指地租之確寔証據自不能以一面之辭妄爲希冀仰仍遵照前飭增租升科毋得再瀆此批

**批臧福田等呈請組織商會以興商業文** 四月十三日

公牘

公牘

十四

呈悉查該公民等擬在楊鎮組織商會以期振興商業殊堪嘉許仰即遵照部定商會法妥為組織呈請縣公署轉報備案可也此批

批張雙合呈請飭縣派身接充斗行文 四月十三日

呈悉查接充牙紀係由財政廳主管仰即逕赴該廳呈請核辦可也此批

批昌平縣代表陳會雲等呈為昌平第六區董李芳函捏稟不詳煽惑訟累文 四月十三日

據呈昌平縣第六區區董李芳函捏稟不詳煽惑訟累等情如果屬實仰即逕向昌平縣呈訴可也此批

批密雲縣全振清呈為知事違法刑訊鎖押無辜文 四月十五日

據呈甯全恩率差漁利等情是否屬實此案既經密雲縣審訊有案仰候令行該縣查覆核奪此批

批寶坻縣人張貴年呈為巡官擅不解職到案對質請提究文 四月十五日

據呈暨粘單均悉查此案業經令據寶坻縣知事查覆呈稱該民一再告訴經稟傳一再避不到案等情到署當經指令該知事仍傳案秉公訊辦在案茲據該民呈稱各節並請求將該民管押候集証質究等情着即速行赴縣投案聽候集訊毋庸多瀆此批

批武清縣公民代表李得祿等呈為村事無人負責懇請令催本縣速行選舉村長佐文

四月十五日

呈悉已鈔呈令行該縣併案查覆矣仰即知照此批

批吳叔明呈爲再陳究辦首事勾結土棍私開審洞請飭封禁文 四月十五日  
呈悉仰候令知財政廳速予查明核辦可也此批

批順義縣行商李向榮等呈爲知事徇情違章營私等情文 四月十五日  
呈悉仰候轉令財政廳查明核辦可也此批

批順義縣人徐先本呈爲僧胞弟宣會被宣函賄匪搶掠並鎗傷身死文 四月十五日  
據呈已悉仰候令行順義縣知事提案訊辦此批

批三河縣人李森等呈爲捏報滋鬧學校誣良爲匪文 四月十五日  
據呈是否屬實此案既據稱在三河縣狀訴有案仰候令行該縣知事秉公澈查呈復核奪此批

批朱錫增等呈爲開立集市與商便民請恩准文 四月十五日  
據呈該村正等擬在小湯山開立集市等呈除令知財政廳核復外仰即逕赴該廳呈請核辦可也此批

批三河縣人劉永泉呈爲侵佔官道妨害公安請查辦文 四月十五日  
據呈已悉此案業經令據三河縣知事呈復並將縣卷暨京師高等地方審判廳卷宗呈送到署查閱兩廳決定主文對於該民抗告均經駁回在案乃該民猶復不知覺悟砌詞混淆殊屬不合特斥此批

批劉開順等准熊督辦咨復該民人等呈請移民墾荒各情批示知照文 四月十五日

前據呈送戶口細冊到署當查薊北黃崖外關外四十八莊地方據薊縣查稱屬於薊境者已無可墾之餘地其屬直隸熱河境內是否尚有餘地即經咨商督辦京畿一帶水災河工善後事宜處核辦在案茲准復開查此案本處前據該縣災民代表劉開順等逕呈到處當經令行該路查賑委員長查核去後嗣據復稱查薊北黃崖關外四十八莊地方係屬遵化承德密雲薊縣四縣轄境總名興隆山貼近東陵已於民國三年奉內務部劃分除護陵餘地外其餘悉數開放報墾在案現已無可墾之餘地等因准此復據該委員報稱三四五六等區成災村莊不下一百餘村計有一萬餘戶水佔地畝不時足可消涸等情前來查際此庫款支絀之際移此災民扶老携幼前往開墾即按戶發給屋價口糧牛具籽種誠恐非少數款項所能辦到且該處水既將涸本年庶可有秋似不便捨此成熟之地另就荒蕪之區况霧凌山一帶既無可墾餘地自應另籌移墾等情並經分令該縣轉飭該代表知照在案茲准前因相應咨復即希查照等因准此合行批示該代表知照此批

**批霸縣人朱巡等呈爲官產分處拍賣地畝懇予速結文**

四月十六日

呈悉此案前據具呈即經明晰批示並分令霸縣知事暨分處依法標賣並將寔在情形呈覆各在案據呈前情候嚴令該縣處遵辦爾即回縣聽候標賣或領回原價毋庸多瀆此批

**批三河縣人田春暉呈訴劉興周毆警強搶請查拿訊辦文**

四月十七日

據呈已悉查復案業經令據三河縣查復呈稱此案原係聚賭拒捕羣毆並非盜犯案件事犯在中華民國元年三月十日以前不在不准除免條款之列既奉赦令公訴權業已消滅自未便再行查捕至劉興周即劉振

斌前因債務被田春耕在本縣公署狀訴經傳案訊據田春耕供稱劉興周在北京向伊商議夥開慶樂園伊當合手資本銀六百元交劉興周後慶樂園迄未開張劉興周將銀元補墊永順成虧空據永順成舖掌崔樹人供稱田春耕與劉興周債務已在北京狀訴各等語旋函致京師地方審判廳查詢准復函開曾受理劉振斌訴田春耕欠債一案等因此項債務既經地審廳受理是以迄未將劉興周關傳現在田春耕以黨匪等詞呈控劉興周即劉振斌請求派警查拿顯係因田春耕狀訴債務一案未經關傳故為危詞聳聽殊非實在情形等情呈覆到署合亟批示遵照毋庸砌造此批

京兆警備隊總司令處公牘

京兆警備隊總司令處判決盜犯趙顯臣強盜罪應處死刑執行鎗斃並褫奪公權全部

終身文 三月二十九日

判決

被告人趙顯臣即趙奎把現年三十六歲係固安縣大彭村人無業

右列被告人因強盜俱發案件經本總司令處依法判決如左

主文

趙顯臣聽糾結夥三人以上在途行劫得財二次之所為處死刑並褫奪公權全部終身贓物黃驃騾一頭經

事主認領

公牘

事 實

緣趙顯臣籍隸固安縣素無正業於中華民國六年陰歷九月二十日傍晚時該犯持械聽從逸犯新城縣明鏡村人張珍持六輪手槍糾邀夥同逸犯張珍之子張二立張禿兒并該犯族弟張斗兒等均持木棍固安達子營人張三禿持六輪手槍共同六人在固安縣集成村外途劫過客一人劫得藍布大夾袄一件玉米一斗口袋一條又十月二十四日天將亮時該犯原伙六人均持原械在固安縣集成村東唐家村西大道上途劫永清縣人陳玉亭黃騾一頭青布羊皮袄一件藍布棉被一床經事主陳玉亭報由固安縣南路警備隊防所將該犯趙顯臣拿獲起獲原贓騾一併解送本處訊供前情不諱委無另犯窩伙竊劫別案究詰至再矢口不移自應據供定讞認為確定事實

理 由

趙顯臣聽糾結夥三人以上持械在途行劫得財二次之所為實犯刑律第三百七十四條第一款之俱發罪應依懲治盜匪法第三條第一款處死刑並依刑律第二十三條第二款科多數死刑者執行其一之規定適用懲治盜匪法第六條執行槍斃起獲贓騾一頭飭主認領逸犯張珍等飭緝獲日另結特為判決如主文

京兆警備隊總司令處宣布盜犯趙顯臣罪狀文四月十二日

為宣布事案查盜犯趙顯臣即趙歪把係固安縣大彭村人曾於中華民國六年陰歷九月二十日該犯聽從逸犯張珍糾邀共夥六人在固安縣集成村外途劫藍布夾袄一件玉米一口袋又十月二十四日該犯原夥六人在集成村東唐家村西途劫陳玉亭黃騾一頭等情不諱據以上事實該犯趙顯臣實為法所不宥應即



明正典刑合依懲治盜匪法第三第六兩條判處死刑執行槍斃應即宣布罪狀以昭炯戒此布

京兆警備隊總司令處判決盜犯朱鳳歧等強盜罪應處死刑執行槍斃並褫奪公權全

部終身文 四月九日

判決

被告人朱鳳歧現年三十六歲係三河縣馬庄人負苦

劉得林即劉二現年二十三歲係三河縣許官屯村人負苦

朱黑丫頭現年二十二歲係三河縣馬庄人負苦

右列被告人因強盜案件經本處審理判決如左

主文

朱鳳歧糾邀結夥三人以上在途行劫得財一次處死刑又結夥二人在途行劫得財三次各處一等有期徒刑

刑十二年又致人死一次處死刑係俱發罪執行槍斃并褫奪公權全部終身

劉得林聽糾結夥三人以上在途行劫得財一次處死刑又結夥二人在途行劫得財三次各處一等有期徒刑

刑十二年又致人死一次處死刑係俱發罪執行槍斃並褫奪公權全部終身

朱黑丫頭被強迫脅從結夥三人以上在途行劫並未得財一次應發交三河縣復訊擬判

賊械來福槍一隻獨出手槍一隻刺刀一把鐵沙子一包藥條一根均沒收之

公續

贓物青布大棉袄一件藍布大棉袄一件褥套片一個口袋一條牛肉三塊當票二十四張飭傳事主認領

事 實

緣朱鳳歧劉得林朱黑丫頭均籍隸三河縣於中華民國六年陰歷十二月間不記日子朱鳳歧持起獲來福槍刺刀劉得林持獨出手槍在香港縣北河灘地方途劫過客一人劫得白麵二斤東制錢五百文口袋一條銅元十枚又在香河縣沙崗子村外途劫過客一人劫得大棉袄一件又是月十五日該犯朱鳳歧劉得林均持原械添邀朱黑丫頭入夥朱黑丫頭不允朱鳳歧劉得林用槍恫嚇並稱若不允從即將朱黑丫頭擊死朱黑丫頭畏懼允從朱鳳歧派朱黑丫頭背糞筐探道巡風在香港縣屬六合庄西大道上行劫過客一人得銀洋十三元藍布大棉袄一件夾袄二件褥套片一個劉得林朱鳳歧上前搜翻朱黑丫頭並未動手亦未分贓又是月二十日朱鳳歧劉二均持原械在三河縣褚各莊南道上行劫過客左相發一人因左相發不容搜翻朱鳳歧與左相發扭在一處撕打把來福槍拋棄劉二在旁用獨出手槍向左相發左脇近上射擊左相發中傷倒臥朱鳳歧用刺刀又向左相發脖項胸膛等處連扎數刀左相發當時身死朱鳳歧劉得林由左相發身邊搜得銅元十一枚並由馱上劫得口袋二條牛肉三塊携贓逃逸因驢頭不易銷賣遺棄屍旁經褚各庄村長等並屍妻左賈氏查知分報駐防京兆東路警備隊並三河縣知事詣驗屬實經東路警備隊先後將朱鳳歧劉得林朱黑丫頭拿獲起獲槍刀原贓解經本處研訊據供前情不諱此案委無另犯為匪窩夥搶竊別案反復究詰矢口不移自應認為確定事實

理 由

朱鳳歧劉得林結夥二人在途行劫得財三次之所爲係犯刑律第三百七十條之強盜俱發罪各處一等有期徒刑十二年應依刑律第二十三條第三款之規定於合併刑期中定爲執行十六年又結夥三人以上在途行劫得財一次係犯刑律第三百七十四條第一款之罪處死刑又在盜場致死左相發一次係犯刑律第三百七十四條第三款之罪處死刑係俱發罪依刑律第二十三條科死刑者不執行他刑科多數死刑者執行其一之規定應依懲治盜匪法第三條第一款處死刑適用本法第六條執行槍斃並褫奪公權全部終身其朱黑丫頭訊據朱鳳歧等供明係被逼上盜既未動手又未分贓核其情節不無可原應照刑律第五十四條審按犯人心術及犯罪之事實其情輕者得減一等或二等之規定發交三河縣按律訊判起獲來福大槍一支刺刀一把依刑律第四十八條第二項之規定沒收之原贓青布大夾袄二件藍布大棉袄一件褥套片一個口袋一條牛肉三塊當票二十四張暫存庫候傳事主認領特爲判決如主文

京兆警備隊總司令處宣布盜犯朱鳳歧等罪狀文

四月十二日

爲宣布事案查盜犯朱鳳歧係三河縣馬庄人劉得林係三河縣許官屯村人曾於中華民國六年陰歷十二月間在香河縣北河灘地方途劫過客一人劫得白麪制錢銅元又在香河縣沙崗子村外途劫過客大棉袄又是月十五日在香河縣六合庄外途劫過客銀元棉袄等件又是月二十日在三河縣褚各庄外途劫左相發銅元牛肉等物並用槍刀放扎身死各等情不諱據以上事實該犯朱鳳歧劉得林二名均法所不宥應即明正典刑合依懲治盜匪法第三第六兩條判處死刑執行槍斃應即宣布罪狀以昭炯戒此布

公牘

二十二

京兆警備隊總司令處宣布盜犯武緒成罪狀文 四月十二日

爲宣布事案查盜犯武緒成係山東阿縣人曾充第三師工程營正兵被革後游蕩無業於中華民國六年陰歷四月間姦污丁崔氏二月間在直隸定興縣吳村地方共同逸犯王三等將丁進祥推入井內淹斃又九月初九日該犯共同郭子謙等七人行搶郭殿蘭家據以上事實該犯武緒成寔爲法所不容應即明正典刑合依懲治盜匪法第三第六兩條判處死刑執行槍斃應即宣布罪狀以昭炯戒此布

● 京兆財政廳公牘 ●

京兆財政廳訓令二十縣知事迅將所領內國公債票分給購戶並發還應付利息文 四月

十七日

查內國公債票關繫國家信用各縣知事應恪遵定例分給購戶方不致使人民發生疑阻近聞各縣領回三四五等年公債票或由縣署延擱或由區董扣留多未發給購戶似此情形殊屬不成事體現在已被告發之處固可證實未被告發之處當亦不少應由該知事查明所領公債票存縣存區數目於五日內全數分發原購之戶具領勿再延擱如應付利息已由縣區等處代領並應照數發還不得藉詞扣留致礙公債信用是爲至要除分令外合亟令仰遵照仍將辦理情形詳晰開單具報查核此令

● 報 告 ●

視察通縣學務報告書

(續第三十八期)

視 學 員 張鶴浦

西集鎮高等小學校 校舍暫借自治辦公處現在村北關帝廟內新建校舍俟裝修畢即行遷徙設備因係新立缺略尙多學生十一人校長張鳴謙舊學中人任事勤懇教員蘭墨元師範畢業教英文尙合法課地理江蘇省繪有板圖口講指示清楚安詳惟精神稍欠振作青陽開商埠之原因年歲雖經口述宜板示之以確實其觀念成績因新立無可觀現校風靜經費爲各項雜捐及學費尙能敷用惟建築費係議定各村攤捐因水災多未交納頗爲艱窘已屬該縣知事設法維持矣查該校建築校舍多由副區董董玉藍竭立籌辦其熱心公益詢屬可嘉

西集鎮國民學校 校在村北關帝廟將來高小即與之合併教室西房三間尙潔操場在校後頗寬闊尙未墊平桌椅新式偶位尙合用學生二十二入缺席十四人太多單級三組教員陳壽堉中學畢業時值課畢考問學生字義頗能回講內容尙有未明瞭者蓋該縣教師多偏於令學生輪講原文耗費時間無暇深究內容之弊耳成績平常校風靜查該鎮高小國民兩校人數均嫌過少以新舊辦學人員迭生糾葛以致人懷觀望不然以一鎮之大招生當不至甚困難也

魯仙觀國民學校 校係通香兩縣合立即在本觀中教室二座各四間均寬闊光亦足操場在院內尙敷用中有兩樹宜去之桌椅偶位新式尙合用前教室爲複式班分三組後教室爲單式班學生共七十六人缺

報告

二十三

席三十一人甚多校長侯光卿教員黃慶鍾馬錫弼師範講習所畢業李韻師範講習所畢業秋假後業開學兩星期新書尙未購到但令學生溫課未免延誤馬教員在前班令學生抄舊課黃教員在後班指一生回講令衆生評判之法尙合成績無可觀校風靜肅經費支絀

貧兒學校 在新城水月院教室三間宏闊光綫亦足惟室紙滿地尙欠清潔桌椅適用學生六十人缺席十三人校長李文鐸辭職推教員龐復興兼任校長擬另聘教員一人以助之現聘到視學到校時唱歌甫畢教授未見考問學生多有未能明晰者惟龐校長現以一身兼管理教授頗具熱心課餘之暇時與學生爲個人談話詢知家庭狀況且時資助學生練習謀生之事手工多注重實用如學作草帽辦等事多取廢物作教材如以廢郵票堆字以煙捲盒改作盛植物種子紙匣化無用爲有用頗合貧兒教育之本旨且利用星餘暇令學生搜集各種植物種子擬將分編成組售作標本亦絕好成績品也經費爲地租縣署捐助及個人捐助惟該教室後院租給木廠終日鋸木於教授有碍宜設法令遷移

民立第一國民學校 在該校長朱江宅內教室二座北教室三間尙明淨棹凳亦整齊操場在院中狹學生五十人缺席三人教員朱錫斌高小畢業拾定合格講國文尙清晰亦知啟發東教室二間狹學生六十人原係半日學校分早班晚班今改整日兩班同時到校甚形擁擠坐不能容有一班負牆而坐俟他班受課畢再入坐受課教員滿葵中學修業令學生挨次回講雖近私塾教法然學生回講多明瞭平日教授之切實可知成國文圖畫均有可觀手工以粉筆頭作各種器物尤佳校風靜肅經費無定額職教員半屬義

查此校自光緒三十一年成立毫無的款純由朱校長辦學熱心多方募集客歲雖由縣教育經費項下補助三十元爲數無幾該校頗得社會信仰故從學日衆校舍幾不能容維以限於經費莫由擴充殊爲可惜似宜設法維持以圖發展

僧立國民學校 在南關外王恕園廟內教室三間稍暗尙寬闊操場在外院因現駐軍隊不能用只在內院遷就操練而已學生三十四人缺席六人單級三組校長僧人脫塵教員朱永慈中學畢業人甚謹厚係到校未久無甚成績可觀視學到校時適值習未見教授抽問學生半能回答校風尙靜

第二半日學校 在南關火神廟教室三間校具尙備學生早班十五人晚班十三人教員張槐盈注音字母傳習所畢業管教盡心體操教員景順教亦合法

潞貞女子國民學校 校係縣立在城內大關帝廟街講堂二座西教室三間稍狹光尙足學生出席者二十四人校長王恩綬舊學優長且有著述講國文頗清楚惟教法尙舊北教室三間寬敞明潔學生出席者二十八人女教員王綺華中學畢業課樂歌教授動懇具見熱心惟歌詞祇字讀作抵近疏忽且學生多係一二年級程度幼稚所選教材失之高深恐難領略成績文字手工均有可觀算稿有欠細密處校風穩靜經費爲鹽當舖規改爲公益捐及戲捐歲入約三百元

查西教室內有業經畢業者十五人無學可升擬改爲高小班與國民第四年級者合班教授原屬變通辦法然須寬籌經費添聘教員庶不至有名無實耳

報告

二十六

普育私立女子國民學校 校在校長閻鐸閑院教室三間光稍暗桌椅合用操場在院中亦寬闊學生三十  
六人缺席四人單級二組女管理兼國文教員馬伯賢未入學校管教頗嚴尙稱盡職教員韓淑貞高小畢  
業因事告假由閻校長代授國文提示時參用啟發頗知教法成績未見校風安靜

查該校自民國五年三月成立以來開辦費及經費約用二三百圓均由閻校長擔任洵屬熱心興學

通俗教育講演所 前在萬壽宮現移至勸學所內講員二人聞均下鄉講演故未見

通俗圖書館及閱報所 在淄河公園對過地勢幽雅從新建築規模宏闊可爲各縣冠惟書籍無多報則有  
政府公報北京日報益世報愛國白話報羣強報商業報歐戰時報順天時報國是報等早十鐘開門晚四  
鐘閉門閱覽者多寡不定

學款

查該縣學款其收入隨糧帶征青苗會款房租地租利息學費村捐社捐戲捐牙行捐糧捐糠市捐花菓捐及  
其他各種陋規近復籌得屠宰附加捐歲計三萬七千七百三十四元歲出三萬六千三百五十元出入相  
較尙有盈餘蓋隨糧帶征雖因水災收入稍減而有屠宰附加捐以資彌補故學校尙有擴充之力經費斷  
無竭蹶之虞且該縣國民學校多以學費爲的款其餘款項只作補助故大有伸縮之餘地也

觀察之所得

(一)學務主管機關及輔助機關 李知事對於學務積極擴充而威力手段又足以濟之故收效甚速日去



歲施行百戶以上村莊勒令立學之計畫一年之間增加校數至百數十處現因水災雖少右阻力然威信既著分別緩急切實督催亦可日見發展也勸學所對於各校雖權力稍為薄弱然能得縣長之信任凡有計畫藉官之強制力以行之亦足以濟事故該縣學務之進步因賴該知事之能斷亦賴該所長之能謀至教育會及學務委員對於學務尙未發生若何效力教育股員朱永慶頗能盡職

(二)官與紳間及紳與紳間之感情 官與現在辦學人員感情頗洽故能協力以謀學務之發展而見諸事功至紳與紳之間雖無若何惡感而集羣策羣力以謀地方之公益則有未逮以意見不一少團結力耳

(三)地方人民之習慣及經濟狀況 地方人民多知令子弟讀書但思想太舊於新教育之原理多未明瞭故該縣私塾甚多經濟尙為充裕故該縣國民學校多以學費為的款不納費甚少此固習慣之善亦經濟不甚困難之表徵耳

### 意見

(甲)評語 該縣國民校數日見增加是其優點形式內容多欠完美是其弱點

(乙)計畫 (一)關於擴充者去歲有百戶以上村莊勒令立校之計畫年來頗著成效今雖被水各村力有未逮然究屬少數其未被水者仍宜督催設立以貫徹其主張(二)關於整頓者(一)嚴為查視勸學員於半年間將全境學校至少須查視一週各具報告分別優劣立予獎懲(二)勸學員於下鄉查視時見有教授不良者可為示範教授以為改良之標準(三)撤換教員年終師範講習生畢業凡教員之甚不稱職者

酌爲撤換則畢業者既有所安插被撤者亦可入所補習(四)擴充師範講習所以廣儲師資或於該所內增添夜班召集城廂塾師入所傳習之以備改良私塾亦可擇優派爲國民教員(五)研究會宜加講習該會現雖成立三處恐提案者少研究無資凡會期宜令會員輪流講習或擇管教素優者爲模範教授下堂後即以其所講授者爲研究資料開會批評共相討論較有寔益十里以內之塾師亦可責令人會以收傳習之益(六)模範學校教員資格宜加限制該縣擬擴充模範學校每區一處其教員非完全師範畢業或師範講習所畢業充教員一年以上確認爲教授優長者不得充任以昭鄭重且備將來各區研究會之模範教授也

附錄

選錄山居瑣言

薊州王晉之著

豐城毛慶蕃選

後世自營田亦宜取法先王

三代而上分疆畫井計夫授田井窳蕪非盡取於是山澤之材爲之厲禁而令民以時取之故鮮有失所者自秦開阡陌迨於始皇以天下自私使民自營田產富者可以兼並貧者遂至困乏而地乃不均然聽人自營則謀生有道困乏者未始不可充裕先王爲民營園田山澤之利使民不至失所則自營者仍當謹遵先王之法而後無失所之虞受於官與營於民其時雖殊其法則一舍是便非正道余山民也爰在山言山爲治生者告焉

居山先宜樹木

居山治生稼穡之外惟樹木是第一要事亦是第一難事費心力在十年之前而收效在十年之後有力者且嫌其迂緩無力者更不待言然此正未通盤計算耳若通盤計算則有力者當樹木無力者尤當樹木何也一夫需田百畝自古爲然而今猶不足一樹一穫不能有豐而無歉有力而能多種又必多費正本究其所穫亦與少種者相等若無力者土田不足樂歲且不能矣樹木之妙佳在利厚而用地無多而可以補稼穡之不足樹木以桑爲首果樹次之種桑養蠶不惟得利婦女事此便有職業不至游閒矧近今種棉之利大興紡棉織布所得已厚再加以蠶桑是一歲而獲二利且棉收於秋蠶桑止在春夏之交兩不相妨種桑較遲種秧最

速地桑以養種蠶大蠶於樹桑爲宜桑分荆魯兩種荆強魯弱荆瘦魯肥地用魯桑樹用荆桑若用魯桑接荆桑則既肥且強尤樹桑之妙者吾山土宜果樹惟柿利大而速而又不畏蟲灾梨杏之利少遲秧賤而可速栽者爲棗栽之而獲利速者爲桃其他胡桃黃婆榛栗之屬亦莫不宜就柿論之一畝之地約種柿二十株十畝可二百株暢茂時每樹得柿一千每千約錢十五千一樹之入敵穀田一畝則二百株樹佃畝二百畝田桑樹暨他果樹視柿多寡不等亦不大相懸殊利有大於此者乎且樹未得力之時並無妨於種穀居山而不樹木非情人卽愚人也

樹地宜近而賤

樹木之地以近家濱水爲上近家則耳目見周濱水則種植皆便然此不能多得貧乏者宜依樹安家其他無水則設法蓄之此須拚全力經營培起一樹便敵一畝之田山中平田其價多昂非有力者不能取以種樹且取宜穀之田種樹亦屬可惜山田地勢偏破磽多肥少種穀未盡得力而種樹則無不得力有心者所當亟圖之也

種樹可占正田

吾山種樹多在田邊隙地而又散植各田無地不有謂不占正田並可多植以爲其計甚善而不知非也樹在田邊不能多得糞力山田高下不齊邊多石壩鉅邊一近樹小猶可大則根多外出易受風傷樹非壯大不能得力甫大而衰何貴乎樹徧地植樹不患不多然不便看守必至損傷况穀田有樹則有妨於穀樹田雖可種穀然畢竟當以樹爲重故種樹者宜特劃山田一區按行種植加意糞壅固其藩籬時其灌溉使種穀不妨於

樹而並有利於樹樹木之道其庶幾乎

種樹先宜編籬

古時山澤之區胥有虞衡爲之厲而守禁之今既不能掌之於官則守禁愈難而藩籬尤爲樹木第一要事樹木不同種穀種穀乃一年之事苗密而多小有損傷尙不害事樹則養之甚難而傷之甚易數年之功不能禁一朝之損必有藩籬然後一花一木皆屬之於我平田宜用椒籬山無陡坡巨石雖偏陂而可以聯接種植者宜用棘籬不能聯接則間植柴木周市以絡其勢倚幹編籬亦可省力無論椒棘柴木皆須兩行方能交互編插行亦不宜過窄以便根下滋息小樹日久厚密可抵墻垣

編籬得利而無他患

樹木而起藩籬功費最煩且鉅然斷斷不可畏難藩籬之妙不惟可以保護樹株並可使處鄉里之中不至因樹木而失和睦之道蓋有樹株則必畏損傷畏損傷則必嚴防守牧牲畜者禁之采薪柴者禁之折花果者禁之禁之而不止則起爭端禁之而止亦多隱怨惟一有藩籬向所禁之而不止者皆可不禁而自止而並無他患而其中之所有雖一枝一葉皆無棄物而芻牧薪柴之資並可取給於是且藩籬亦皆有利椒棘無論矣柴木如山榆椿橡等類出產亦復不少故余謂樹木決不可無藩籬也

樹秧歲宜多養

樹木之利非大小遞相銜接不能生生無窮大樹之下多生小樹然多寡不定又根株散漫不易防護不便灌溉則培養樹秧又樹木之要事也園圃中宜特開畦種之分行布種不可漫撒行種則灌鋤皆便栽亦可去留

任意柔畦背上種之尤妙樹園既專力養樹則按行隴種丈量定科餘者間而移之爲地既寬則一歲一移愈移則根科愈疏他處可以應用而此處益旺加之歲歲畦種種而栽栽而復種則秧之大小相銜接矣樹之大小豈有不銜接者乎日久則大樹下之小樹又復叢生更無虞缺乏矣

種樹亦宜用糞

樹亦如穀所恃者糞不足則地無力而實不繁故有樹之田無論種何苗稼必須加倍用糞使其力並及於樹在山而不種苗稼者邊隅之地雖種苗稼而糞力不到者糞之荒穢衰老者皆特加糞以培壅之樹之利十倍於穀乃吝些微之糞而坐失其利不謂已力之未盡而歸咎於樹之不得力抑何弗思之甚耶 力之大者莫如人糞故諺特謂之大糞但吾山釀之法止是挖一糞窖窖又多無遮蓋每每滲入雨水復不勤勤取出徧窖生蛆以致積日一多糞力皆滲入土中冬日凍糞尙可餘時皆不甚得力人溺亦不知蓄溺精華也糞糟粕也遺棄精華而糟粕又蓄之不善殊爲非計余見他處糞窖有用缸者勝於土窖多多即不用缸亦宜將窖用石灰和沙土築實使不滲漏且不可令著雨人溺不可棄宜隨時傾入糞窖中若能勤勤取出而以缸蓄之則傾入缸中以潑醱糞而固封之勤於取出則蛆未生固封則雖生亦死氣不外散變過後用之勝他糞百倍養花木者之金汁即此花木以此醱根可保行遠不畏風不怕旱其力可知攪雪水釀之亦佳年愈久者愈妙餘糞不能不墊以灰土等物然灰土不可太多致糞無力其餘各種踏糞之法亦宜兼辦備用種穀時用糞浸種之法亦不可不講用糞浸種實能變瘠爲肥故周禮草人特掌土化凡此考之於書再隨時隨地體會之自可事半功倍勿謂農爲細務非勤學好問不能精也

培樹刪樹之法宜知

樹之利雖厚而修理冀治不盡其道則亦不能得力除柴木止用刪刈不用冀治外其餘桑樹果樹凡有出產不在田中得種穀糞力者皆冀而治之用冀不宜迫近樹本寬寬深掘得雨而徐徐浸潤者爲上初次冀治雨後土不堅強較易爲力以後則皆以在雨前爲妙蓋樹根與樹梢其輪之大小上下相對相當樹根之尖胥有小孔如人之血管上通枝葉於其相當之處寬寬深掘則冀力雨澤自孔而入樹自分外生旺近則轉不得力深掘而用腐草及荊梢漬之其力柔而耐久秋後深掘使土鬆活冬時以清糞冰塊培之俟春暖自化亦佳既得種穀糞力再深掘而糞之尤妙修理之法大概桑樹與諸果相仿果樹不似桑樹之須痛刈其條耳凡栽活而不用接及接活者即皆其梢所留根幹愈短愈妙其枝四向外生久則樹勢圓整而中可站人摘桑摘果可以任意接樹有鑿接腰接根接等法鑿接得利最速惟鑿接之柿枝條力弱實大體重四出易受風折法宜視秧狀似拇指於夏初暢茂時去根尺許刈而接之一樹止宜接兩片接活後更去其一於底層生枝上四圍去枝使其力不能上注則枝自壯大再去其枝之梢則枝益繁盛次層亦如法修之層層如此則樹上小下大便不畏風鑿接之樹占地無多丈餘一株足矣若腰接根接其輪廓較大須兩丈一株中間空地可以夾栽桃樹鑿接得利雖速但不如腰接根接之力大而年永兼爲可也農書載科桑條法有四等一瀝水條（向下垂者）一刺身條（向內生者）一駢指條（並生者去其一）一冗脞條（雖順而稠冗者）他果樹科法不同不科之則力爲所洩而實不繁拿蟲及摘蟲葉乃樹木最要之事必須加意地平而寬自可於樹間種穀遇窄狹處或樹陰過大可種豆樹最喜土鬆而潤邊隅之地必用石壩或土唇寬寬圍護以便蓄水而保其澤此雖

少費工力而所獲實多烏可荒而不治致棄其利於地也

果樹外亦宜兼養柴樹

樹亦不可專養有果寔者其他柴木並當視其土宜而植之以備起造房屋及一切雜用初植須各歸各段使其種類相附而生要令一園之中無木不有平垣之地當植果樹偏陂之地可植柴木即果樹之間有自生柴木亦即移向偏陂之處勿使分借他力以妨果實若壩隅石隙勢不能移材稍可用則伐而用之不可使之壯大柴木雖易種亦宜割地兼養樹秧大則間而移之

果樹宜精不宜多

樹木之利厚矣然不可因其利厚而遂貪多無力者固不能多有力者一夫亦不得過十畝務廣而易至於荒詩云無佻甫田惟秀驕驕樹穀如是樹木亦然即或不荒而樹多事繁不能不多用工人多用工人則子弟之勢輕而工人之勢重止能照看不便躬親其事或且有照看不及者矣無利則怠惰之念生有利則奢侈之心起怠惰者廢弛之根奢侈者敗亡之漸非善道也然此謂果樹之占田而費工者如有隙地柴木自不妨多養耳

治生宜經理桑棉

治生之道男女俱不可曠蠶桑紡織乃婦女專責詩云婦無公事休其蠶織周官不蠶不績胥有明罰故桑棉二者治家者宜破出氣力經營爲婦女作久遠恒業植桑有多法而莫便於插秧桑眼生時刈取王條約截二尺許一根治畦如種菜法俟水浸透插入畦中下尺上尺畦可三行行可五六十株插後灌溉之要常令潤澤



無不活者一二年後移之插秧數畦數百株桑可以立辦有老桑不甚旺者貼地刈之條必叢生或刈而插秧或以土掩之生根則從周圍分而栽之亦便移栽後樹桑修理枝幹如法留之地桑貼地刈之山田土薄而燥須移栽若平田則竟可在田中壓條一根兩株如壓柳條法平時並宜開畦種秧以備用有桑則養蠶之本已立然不可不專有蠶房房宜高敞宜南向蠶寒則畏風暖時又喜透風房高而南向則可時其涼暖養蠶之法農書悉備依法爲之不過數月工夫即可獲利無窮有謂北方不宜者此甚不然除是無桑始不能養蠶既有桑而且易生豈有不能養者即北方地寒蠶房之中可多用火倉烘之南方養蠶亦何嘗不用火倉涼暖之節其權在人且近時北山中即有恃養蠶爲生者何疑而不爲乎吾山近亦頗講種棉然多不得法病在科密而吝於施功棉科宜稀科之相去宜尺許去冲天尖時一科留五六枝或七八枝視地方斟酌之止留正枝作桃再有附枝悉宜摘去而附根之枝尤宜留心察視諺謂之坐地礮此枝一長餘枝之力悉爲截留而漏洩之爲害最烈如無附枝一科總可結數十桃每畝出一二百斤子棉乃是恒事再盛則所出益多棉多不可盡蠶須習學紡棉織布及織一切布袋巾帶之法此類物件皆日用所必需織之於家較之購於市者分外堅實蠶桑紡織之家布帛可以不買而並可以外賣否則無不用錢一反覆間省費之數相去懸絕况此不過稍一勤勞不蠶織者果能終日治庖廚勤針黹乎亦強半游閒而已至於女子之於蠶織正當童而習之以爲作家之本乃幼則嬉戲度日長務女工亦多從事於描鸞刺鳳疲精勞神以作無益鮮有計及蠶織者不知男耕女織利相抵而家業始成舍其半而不圖無怪其用之不足也麻亦日用必需者績織之法並宜兼習

穀蔬及諸樹均宜精收子種

附錄

三十五

收藏子種乃農家要務而凡九穀蔬菜皆特割地種之糞力加厚人力加勤子粒碩大白倍尋常再揀擇其尤者作種更爲力爭上游果樹柴樹除根生及插秧之外亦宜隨時儲種今日備一掬之種而種之他年便得無限成圍合抱之樹食其寔而用其材有識者珍惜如珠玉無識者反此

耕織種植皆宜專精其事

語云耕當問奴織當問婢事非久習不克精通故有力之家凡耕織種植必須覓諳於此者專司其事無力者不妨合數家共僱一工俾輪流指示之然指靠工人亦非恆法非躬親其事目睹其情不能悉其中之曲折能自爲者爲之不能自爲者則課諸工人而使家人學習焉又必詢之於人考之於書（如農政全書農桑輯要之類）以致其詳再驗之天時體之土宜察之物理而後其術而精術既精而不辭辛勞不憚講說則家人婦子皆可了然而其業不難世守矣

附諸果並可備荒

修養樹木旣可以補稼穡之不足一遇荒年並可代糧棗栗之屬可以如意收存即桃李杏柿之類昔人所謂易潰而難藏者一經晾乾則無不可藏加今所行柿餅與桃杏等乾其明驗也凡各種果實陰乾可齒決味甘者晾使極乾攪入米麪中磨之作糲食悉佳如歲售其食之美者次者另存貯之皆荒年饋貧糧也且無物不可備荒閱農政全書所載不可枚舉然須平昔預辦方能積少成多前者豫省大荒樹之皮葉鮮有存者甚且至於食人何其慘也然若備之於早何若至此此前車之宜鑒也

本報價目表 (均照大洋計算)

定價	冊數	
	零售訂	購
一角三	每冊	每月四冊
角一	半年	二十四冊
元六角三	全年	四十八冊
元		

郵費不收

● 注 意 ●

如郵匯不通之處無法  
寄款者可用郵票作抵  
(以三分之郵票為限)  
惟郵票以九折計算

編輯所

京兆尹公署京兆公報處  
(電話東局八百四十三號)

發行所

京兆尹公署京兆公報處  
(電話東局八百四十三號)

印刷所

京兆公立第一工廠  
(電話東局一一八五)

# 京兆新集利生紡紗廠生大鐵工機器 廠集粹自製顏料廠廣告

伏政思財困難係因工藝不興查市井百貨皆係外洋製造而來我國原料頗稱饒富必使外人運去做來於中之漏卮莫可勝計近數十年來財政益空仰借外債敷衍支持日積月壘前途何堪設想同是國民覆巢難忍籌思至再非興百工大倡實業不足以挽利權而固國基故同志等於數年前調查最優地點之新集創辦利生紡紗廠生大鐵工機器廠近又組織集粹自製顏料廠查此三種實為實業之要素挽利之大宗現已成立數年工藝純熟出品精良正擬大為擴充續招股本另有詳細章程以供索閱又蒙

王大京兆熱心實業飭令所屬各縣竭力提倡廣為招股在案夙仰

同志諸大君子痛念國艱實業關懷請速投資而觀厥成用告報端伏乞

垂鑒